




杜詩註釋

卷上

土岐文庫
文庫17
W141
11



27-11

文庫 17
W141
11

杜詩註釋卷二十一目錄

觀公孫大娘弟子舞劍器行

寫懷二首

柳司馬至

別李義

送高司直尋封閬州

送田四弟將軍將夔州栢中丞命起居江陵

節度使陽城郡王

奉賀陽城郡王太夫人恩命

杜詩註釋 卷二十一 目錄 自怡軒

昭和六十年二月一日
生岐善吉唐氏寄贈

010185186780

王腕騶

寄栢學士林居

題栢學士茅屋

題栢大兄弟山居屋壁二首

白帝樓

白帝城樓

有歎

江漲

舍弟觀赴藍田取妻子到江陸

夜歸

暮晴

復陰

前苦寒行二首

後苦寒行

元日示宗武

又示宗武

遠懷舍弟穎觀等

太歲日

人日二首

喜聞盜賊蕃寇總退口號五首

送大理封主簿五郎親事不合却赴通州

將別巫峽贈南卿兄瀼西果園四十畝

敬寄族弟唐十八使君

巫山縣汾州唐使君十八弟宴別

遠遊

歸鴈

歸雁

春夜峽州田侍御長史津亭留宴

行次古城店泛江作

泊松滋江亭

漫成一首

大歷三年春白帝城放船出瞿塘峽四十韻

乘雨入行軍六弟宅

上巳日徐司錄林園宴集

宴胡侍御書堂

書堂飲既夜復邀李尙書下馬月下賦絕句

奉送蘇州李二十五長史丈之任

暮春江陵送馬大卿公恩命追赴闕下

和江陵宋大少府暮春雨後宴書齋

暮春陪李尚書李中丞過鄭監湖亭

宇文晁尚書之甥崔或司業之子重泛鄭監

前湖

短歌行贈王郎司直

憶昔行

惜別行送向卿進奉端午御衣

寄李十四員外十二韻

水宿遣興奉呈羣公

夏夜李尚書筵送宇文石首赴縣聯句

多病執熱奉懷李尚書

遣悶

江邊星月二首

舟月對驛近寺

舟中

江陵節度使陽城郡王新樓成

又作此奉衛王

秋日荆南述懷三十韻

秋日荆南送石首薛明府三十韻

江漢

地隅

暮歸

杜詩註釋卷之二十一

上海曹洪志士心氏參訂

雲間許寶善穆堂氏編輯

受業桂心堂一枝氏校

觀公孫大娘弟子舞劍器行 并序

大歷二年十月十九日夔州別駕元持宅見臨

穎李十二娘舞劍器壯其蔚跂 蔚跂言其光彩

凌厲之勢問其所師曰余公孫大娘弟子也開元三

載余尙童穉記於郾城 唐書臨穎郾城二縣俱屬許州觀公孫



氏舞劍器渾脫

樂府雜錄健舞曲有稜大阿連柘枝劍器胡旋胡騰等軟舞曲

有涼州綠腰蘇合香屈柘團圓旋甘州等正字

通劍器武舞用女妓雄粧空手而舞見文獻通

考或以劍器為刀劍誤也通鑑中宗晏近臣將

作大匠宗晉卿舞渾脫注唐五行志長孫無忌

以烏羊毛為渾脫璪帽謂

之趙公渾脫因為舞

明皇雜錄安祿山獻白玉蕭管數百事陳於梨

園諸公主及虢國以下競為貴妃弟子時公孫

大娘能為隣里曲及裴將軍滿堂勢自高頭宜

西河劍器渾脫舞妍妙皆冠絕于時

春梨園二伎坊內人

教坊記右教坊在光宅坊

歌左多工舞妓女入宜春院謂之內人亦曰前

頭人按高頭疑即前頭之謂羅緣開元二年置

教坊於蓬萊宮側上自

泊外供奉此指雜

教法曲謂之梨園弟子

應官伎曉是

舞者聖文神武皇帝初

謂明 公孫一人而已玉

貌錦衣况余白首今之弟子

謂李十 亦匪盛顏

二娘

既辯其由來知波瀾莫二撫事慷慨聊為劍器

行昔者吳人張旭善草書書帖數嘗於鄴縣見

公孫大娘舞西河劍器自此草書長進

國史補 旭嘗言

始吾見公主擔夫爭路而得筆法之意後見公孫氏舞劍器而得其神 豪蕩感激

即公孫可知矣

昔有佳人公孫氏一舞劍器動四方觀者如山色

沮喪天地為之久低昂燿如羿射九日落

淮南子 自怡軒

意時十

日並出羿射中矯如羣帝驟龍翔來如雷霆收震

怒罷如江海凝清光適可此段極寫公絳唇珠袖

兩寂寞晚有弟子傳芬芳臨穎美人在白帝妙舞

此曲神揚揚與余問答既有以感時撫事增惋傷

適可此段叙及先帝侍女八千人公孫劍器初第

一五十年間似反掌自開元五年至風塵瀕洞昏

王室淮南子鴻梨園子弟散如煙女樂餘姿映寒

日金粟堆南木已拱金粟堆謂瞿唐石城草蕭瑟

玳筵急管曲復終樂極哀來月東出老夫不知其

所往足繭荒山轉愁寂適可此段不獨傷公孫

二田序從弟子逆推至公孫氏詩從公孫順拖

出弟子感時撫事句逗出作詩本旨金粟堆以

寫懷二首

勞生共乾坤何處異風俗冉冉自趨競行行見羈

束無貴賤不悲無富貧亦足萬古一骸骨隣家遞

歌哭適可此段泛從物理叙鄙夫到巫峽三歲如

轉燭全命甘留滯忘情任榮辱朝班及暮齒日給

還脫粟編蓬石城東采藥山北谷用心霜雪間不

必條蔓綠非關故安排曾足順幽獨達士如弦直
小人似鈎曲曲直吾不知負暄候樵牧爾可此段自叙有超

然物外之觀正照首段意結

二田久困於夢而發為達觀任運之詞二詩同意

夜深坐南軒明月照我膝驚風翻河漢梁棟日已

出羣生各一宿飛動自儔匹吾亦驅其兒營營為

私實

國語注實財也爾可此段自夜達旦以叙事起

天寒行旅稀歲暮日

月疾榮名忽中人世亂如蟣蝨古者三皇前滿腹

志願畢

莊子鼯鼠飲河不過滿腹

胡為有結繩

外紀燧人氏始作結繩之政

陷此膠與漆

莊子待繩約膠漆而固者是侵其德也

禍首燧人氏厲

階董狐筆

左傳董狐古之良史也

君看燈燭張轉使飛蛾密

爾可此段言淳朴之衰即鑿混沌意

放神八極外倪仰俱蕭瑟終然

契真如

一作真契如往還。楞嚴經常任妙明不動周圓妙真如性

得匪合作

金仙術

此段公蓋俛仰身世而有遊仙意

柳司馬至

有客歸三峽相過問兩京函關猶出將渭水更屯

兵設備邯鄲道

謂河此

和親邏

舊書吐蕃傳其國都城號邏些

城

幽燕惟鳥去商洛少人行

商洛在長安西南非指河南之洛水

士詩注釋

卷二十一

四

自怡軒

謝身何補蕭條病轉嬰霜天到宮闕戀主寸心明

通可此時吐蕃寇靈和京師戒嚴公因柳至而問之也函關六句述柳答詞末段公自言懷

別李義

杜闡李義李鍊之子鍊乃宗室之賢義能繼美

神堯十八子十七王其門

鮑注高祖二十二子衛王楚王皆先堯太子建

成巢王元吉以事誅除籍故言十

道國洎舒國

道王元慶高祖第十六子舒王元名第十八子

實惟親弟昆中外貴賤殊

余亦忝諸孫

唐公為舒國外孫之外孫詳祭外祖祖母文通可此段首叙親係

人嗣三葉

舊書道王次子詢之子白玉温

此指道

國繼德業請從丈人論丈人領宗卿

唐書鍊襲封嗣道王肅

穆古制敦先朝納諫諍直氣橫乾坤子建文章在

河間經術存

子建河間皆古親王有文學者

爾克富詩禮骨清慮

不宣洗

音灑然遇知己潘岳詩吾

談論淮湖奔

通可

叙李義父子之美丈人領宗卿以下應丈人

憶昔

初見時小襦繡芳蓀長成忽會面慰我久疾魂三

峽春冬交江山雲霧昏正宜且聚集恨此當離樽

莫怪執盃遲我衰涕淚煩重問子何之西上岷江

源

通可此段從初見

願子少干謁蜀都足戎軒誤

失將帥意不如親故恩少年早歸來梅花已飛翻

努力慎風水豈惟數盤飧猛虎臥在岸蛟螭出無

痕王子自愛惜老夫困石根生別古所嗟發聲為

爾吞爾可此段極言蜀中之亂蛟螭之橫勉其努力早歸具見至誼

送高司直尋封閩州仇注司直大理寺官

丹雀銜書來周禮疏中候云季秋甲子赤雀銜丹書入豐暮樓何鄉樹

驂駟事天子辛苦在道路司直非冗官荒山甚然

趣借問泛舟人胡為入雲霧通可首四句典起言司直宜存朝廷其辛

何也苦人蜀與子姻婭間既親亦有故萬里長江邊劉公幹詩余

近亦相遇長卿消渴再公幹沉綿屢嬰沉痾疾

清談慰老夫開卷得佳句時見文章士欣然憺情

素通可此段叙相見之樂伏枕聞別離疇能忍漂寓良會苦

促短溪行水奔注熊羆咆空林遊子慎馳騫通可此段

叙別因言水陸之險西謁巴中侯艱險如跬步主人不世才

謂封閩州先帝常特顧拔為天軍佐崇大王法度淮海

生清風南翁尚思慕仇注封蓋初為宿衛官又嘗仕於淮海公宮造

廣厦木石乃無數初聞伐松栢尚卧天一柱通可此段

因高往閩州盛稱主人之才我病書不成成字讀亦誤為我問

故人勞心縛征戍通可此因高往閩州欲傳語問訊故有書不成等句

二田此總以高封二人不得登朝大用一勞於道塗一屈於外吏而在已聚散之感寄閒之情錯叙於其間

送田四弟將軍將夔州柘中丞命起居江陵

節度使陽城郡王衛公墓 衛公名伯玉

離筵罷多酒起柘發寒唐回首中丞座馳陵異姓

王燕辭楓樹日雁度麥城霜 元和志荊州當陽縣有麥城 定醉

山翁酒遙憐似葛疆

邇可此詩兩以酒字作句脚古人不避然兩酒字不同離筵酒公送時也山翁酒到江陵時也意田將軍好酒故云云也

奉賀陽城郡王太夫人恩命加鄧國太夫人

原注陽城郡王衛伯玉也。舊書大歷二年六月荆南節度使衛伯玉封陽城郡王仇注公詩乃賀其母受封蓋伯玉封王後母亦進封大國也

衛幕銜恩重 漢書衛青傳帝就拜大將軍於幕中 潘輿送喜頻 潘岳閒居

賦太夫人乃乘版輿升華軒 濟時瞻上將錫號戴慈親富貴當

如此尊榮邁等倫都依封土舊國與大名新紫誥

鸞迴紙清朝燕賀人 邇可此段已了全題 遠傳冬笋味 用孟宗事

更覺彩衣春奕葉班姑史 後漢列女傳扶風曹世叔妻者名昭字惠姬兄

固著漢書其八表及天文志末 芬芳孟母隣義方

兼有訓詞翰兩如神（通）可義方頂孟母詞翰頂班姬。冬筭二句美郡王班姑

二句美太夫人委曲承顏體騫飛報主身可憐忠與孝雙

美畫麒麟（通）可此段又推一步結到移孝作忠意

玉腕騮（原）注江陵節度衛公馬也

聞說荆南馬向書玉腕騮驂驪飄赤汗（吳）都賦注趁煙相隨

駟逐踟躕顧長楸（曹）植詩走馬長楸間胡虜三年入乾坤一

戰收（舊）書衛伯玉破史思明於疆子坂遷神策軍使又破史朝義於永寧進封河南郡公舉

鞭如有問欲伴習池遊

（二）出前半贊馬後半將衛公成績攝入玉駟舊券內畫出成功身逸氣象壯應云有問問馬也

伴遊代馬對也

寄栢學士林居

自胡之反持干戈（祿）山始亂天下學士亦奔波歎彼幽

棲精典籍蕭然暴露依山阿青山萬重靜散地白

雨一洗空垂蘿亂代飄零子到此古人成敗子如

何（通）可此段先叙林居之事荆揚冬春異風土巫峽日夜多雲

雨赤葉楓林百舌鳴黃泥野岸天雞舞盜賊縱橫

甚密邇形神寂寞甘辛苦幾時高議排金門各使

蒼生有環堵（通）可叙夔俗之異以學士林居在夔也結以出慰蒼生期之

題栢學士茅屋

學士蓋遭亂而攜子姪寓夔者

碧山學士焚銀魚白馬卻走身巖居

謂遭祿山之亂也古

人已用三冬足

東方朔傳三冬文史足用

年少今開萬卷餘晴

雲滿戶團傾蓋秋水浮堦溜決渠富貴必從勤苦

得男兒須讀五車書

二田公過學士茅屋喜其藏書之富又有佳子弟能讀率題於壁

題栢大兄弟山居屋壁二首

叔父朱門貴郎君玉樹高山居精典籍文雅雜風

騷江漢終吾老雲林得爾曹哀絃繞白雪

謝希逸琴論白

雪師曠所作商調曲也未與俗人操

仇云首章誌栢氏好學喜得知音

野屋流寒水山籬帶薄雲靜應連虎穴喧已去人

羣筆架霑牕雨書籤映隙曛蕭蕭千里足箇箇五

花文

丹元子步天歌五箇花文玉良星

三田次章就山居摹寫而窗雨隙曛搭上書籤筆架仍與前章文雅應合千里足又與叔父郎君關會著箇箇字又使題中兄弟清出

白帝樓

漠漠虛無裏連連睥睨侵

邵注女牆名睥睨

樓光去日遠

自台軒

峽影入江深臘破思端綺春歸待一金漢書一金值萬錢

去年梅柳意還欲攬春心

二田因登樓而歎久客也

白帝城樓

江度寒山閣城高絕塞樓翠屏宜晚對白谷會深

遊急急能鳴雁輕輕不下鷗用列子海上鷗事夷陵春色

起在峽外漸擬篇外篇卅

二田與上篇同旨

有歎原注資州置蜀劍南節二田按自普還卻大

批戍防軍士在還多故之謂

壯心久零落白首寄人間天下兵常鬪江東客未

還窮猿號雨雪老馬怯關山武德開元際自高祖武德至

元宗之開元皆全盛之勢蒼生豈重攀

二田此因哀年踞旅而歎兵端之未靖客路之多艱也追想盛時穆然神遠

江漲

江發蠻夷漲江源出岷山在蠻境山添雨雪流鶴注蜀山經年雪不消雨

水衝之而流也大聲吹地轉高浪蹴天浮魚鱉為人得蛟

龍不自謀輕帆好去便吾道在滄洲

杜詩註釋

卷二十一

十

自怡軒

二田上寫江漲五六賦而兼此結見避地東遊之興

舍弟觀赴藍田取妻子到江陵喜寄三首蓋公

迫欲出峽弟能踐江陵相就之約故喜也

汝迎妻子達荊州荊州即江陵消息真傳解我憂鴻雁

影來連峽內鵝鶻飛急到沙頭方輿勝覽沙頭市去江陵十五里

曉關路險今虛遠仇注曉關即藍田關高鑿寒江正穩流朱

紱即當隨綵鷁朱紱自謂青春不假報黃牛

二田首章叙清題面而思示在就之情

馬度秦山雪正深北來肌骨苦寒侵他鄉就我生

春色故國移居見客心歡劇提攜如意舞世說王戎好作

舞喜多行坐白頭吟朱瀚曰白頭吟六朝人孔德紹袁朗皆通用不專屬

君文巡檐索共梅花笑冷藥疎枝半不禁

二田前章明已之志此章表弟之情因而預摹歡聚之樂

庾信羅含俱有宅九域志江陵宋玉故宅庾信所居晉羅含傳荊州城西小洲上

而立茅屋春來秋去作誰家短墻若在從殘草喬木

如存可假花卜築應同蔣詡徑高士傳蔣詡杜陵人移疾歸荆棘塞

門舍中三徑終身不出為園須似邵平瓜亦長比年病酒開

涓滴弟勸兄酬何怨嗟

本詩言釋 卷二十一 十一
二田卒章直囑以謀居之
事亦結到定居相聚之樂

夜歸

夜半歸來衝虎過。山黑家中已眠卧。傍見北斗向
江低。仰看明星當空大。庭前把燭噀兩炬。峽口驚
猿聞一箇。白頭老罷舞復歌。杖藜不睡誰能那。

二田即景成
詩別無寓意

暮晴

高唐暮冬雪壯哉。舊瘴無復似塵埃。崖沉谷沒白
皚皚。劉歆遂初賦漂
白雪之皚皚江石缺裂青楓摧。南天三旬

開赤日照耀從西來。六龍寒急光徘徊。沈注
六龍

照我衰顏忽落地。口雖吟咏心中哀。未惟及

少年子揚眉結義黃金臺。汨乎吾生何飄零。支

離委絕同死灰

二田此因雪後晚晴寒光照影而感及身衰也
前四句從積雪起中三句晚晴正而後六句言衰
頹之狀已亦無由自見忽從晴光斜影照出龍
鍾老態觸目生哀耳又謂向怪少年角逐今無
益也功名須早立不見我飄
零委絕壯心灰盡如此乎

復陰

冬合霽元陰塞。昨日晚晴今日黑。萬里飛蓬映

天過孤城樹羽揚風直江濤簸岸黃沙走雲雪埋
也善兒吼君不見夔子之國杜陵翁牙齒半落左
耳聾

三田似接前篇來故曰復陰境象黯慘
如此况以客子哀翁值之當復奈何

前苦寒行二首苦寒猶云嚴寒。夔楚多炎
少冰雪是歲忽遇大雪夔

俗以為異作苦寒
行蓋紀事詩也

長安雪一六西京雜記元封二年大寒雪深
五尺鳥獸皆死牛馬踣局如蝟

凍死牛馬毛寒縮如蝟楚江巫峽冰入懷虎豹

又堪記秦城老翁荆揚客荆揚與
夔近慣習炎蒸

歲締綌元冥祝融氣或交元冥立冬
祝融立夏手持白羽未

敢釋

二田此以古時北地之寒形起今日南方
之寒下半仍以南方氣暖作翻身勢結

去年白帝雪在山今年白帝雪在地凍埋蛟龍南

浦縮寒刮肌膚北風利楚人四時皆麻衣楚天萬

里無晶輝三尺之烏足足一作
骨非恐斷古今注日中
無光者三足

也烏羲和送之將安歸

二田此即就本地兩年異候說
起下仍以地木暖而忽寒作結

後苦寒行前既成二首復作
二首故分兩題

南紀衡廬瘴不絕兩山俱屬南紀連及之太古以來無尺雪

蠻夷長老畏苦寒崑崙天關凍應折崑崙天關言西界高山

元猿口噤不能嘯白鵠翅垂眼流出一作血安得春

泥補地裂

二田此即穩括前二首之意

晚一作曉來江門失大木猛風中夜吹白屋天兵斬

斷青海戎殺氣南行動中軸不爾苦寒何太酷巴

東之峽生凌漸彼蒼迴幹人得知

二田此一起就風勢上見出苦寒天兵三句言此殆天心厭亂厲威殺賊寒氣激而南行平不

爾何苦寒之酷若此巴峽凌漸就苦寒歎行一筆彼蒼迴幹即繳足天兵斷戎意

續得觀書迎就當陽居止正月中旬定出三

峽唐書當陽縣屬荊州府。詩當是歲底作

自汝到荆府書來數喚吾頌椒添諷咏新正作禁計起行

火卜歡娛寒食決定聚會舟楫因人動有坐待行資意形骸用杖

扶天旋夔子峽一作國春近岳陽湖湖在峽外巴陵發日排

南喜傷神散北吁飛鳴還接翅用鵲行序密銜蘆

淮南子雁順行以愛氣力銜蘆而翔以避矰繳俗薄江山好時危草木蘇

馮唐雖晚達終覲在皇都

二世上八叙題下八發意大旨謂身將就南心終戀北也

起代宗大歷三年訖五年

纂年譜大歷三年去夔三月至江陵秋移

公安冬之岳州四年之潭之衡夏復回潭五年四月避臧玠亂入衡州欲如柳州至耒陽不果

秋回舟荆湖寓卒年五十九

元日示宗武

汝號吾手戰吾笑汝身長處處逢正月迢迢滯遠

方飄零還栢葉

歲時記正月一日進椒栢酒從小起

衰病只藜床訓

喻青衿子

謂宗武

名慚白首郎

公自謂

賦詩猶落筆獻

壽更悒觴不見江東第

原注第五弟漂泊江左近無消息

高歌淚

數行

二田情真語至之篇

又示宗武

覓句新知律攤書解滿牀試吟青玉案莫羨紫羅

囊

晉書謝元少好佩紫羅香囊叔父安患之因戲賭取之按此是少年分心服玩之習

假日

從時飲明年共我長應須飽經術已似愛文章十

五男兒志三千弟子行曾參與游夏達者自升堂

按前首對子而憶弟此首訓戒之詞

遠懷舍弟穎觀等

陽翟空知處

穎所

荆南近得書

觀所

積年仍遠別

多難不安居江漢春風起冰霜昨夜除

疑此元日正值立春

雲天猶錯莫花萼尙蕭疎對酒都疑夢吟詩正憶

渠舊時元日會鄉黨羨吾廬

適可此亦元日所作因前首不見江東句故又有此詩落句舊時元日會云云以見今之不然

慨也

太歲日

大歷三年歲在戊申舊書是年正月丙午朔則太歲乃初三日也

楚岸行將老還山坐復春病多猶是客謀拙竟何

人閭闔開黃道衣冠拜紫宸潘鴻曰疑當時榮光

懸日月賜予出金銀愁絕鵷行斷參差虎穴隣西

江元下蜀北斗故臨秦散地逾高枕生涯脫要津

謂與朝天邊梅柳樹相見幾回新

按起因撫時興歎次四遙憶長安後八言不得隨班稱慶惟是窮居危地只以身處天邊年復一年為可恨耳

人日二首

方朔占書歲後八日一為雞二為狗三為豕四為羊五為牛六為馬

七為人八為穀

元日到人日未有不陰時冷雪驚難至春寒花較

遲雲隨白水落

山海經白水至蜀而東南注江

風振紫山悲後漢地志

紫巖山綿蓬鬢稀疎久無勞比素絲

此日此時人共得一談一笑俗相看樽前柏葉休

隨酒勝裏金花巧耐寒荆楚歲時記人日剪綵為人日剪綵為

風亦戴劍佩衝星聊暫拔匣琴流水自須彈早春

重引江湖興直道無憂行路難

按前首因當前景物而興歎年衰次首言此日乃人人共樂而已拋棄劍珮惟以彈琴為樂春引江湖之興無憂行路之難以直道之故耳其寄慨深矣

喜聞盜賊總退口號五首舊書大歷二年九月吐蕃寇靈州進

寇邠州通鑑十月朔方節度使路嗣恭破吐蕃於靈州吐蕃引去

蕭關隴水入官軍蕭關隴水俱在靈州南境青海黃河卷塞雲

青海在西域黃河亦指塞外者正指吐蕃也北極轉愁龍虎氣比官西戎休縱犬羊羣

三田首章直提

贊普多教使入秦數通和好止煙塵朝廷忽用哥

舒將殺伐虛悲公主親唐書開元末金城公主薨吐蕃遣使告哀因請和

許天寶初以哥舒翰節度隴右攻拔石堡城

三田次章原

崆峒西極過崑崙駝馬由來擁國門吐蕃所貢逆氣數

吐蕃

卷二十一

七

自怡軒

年吹路斷蕃人聞道漸星奔

三田三章總計叛亂之年數以及於今日之引退也

勃律天西采玉河

唐書大勃律直吐蕃西小勃律距吐蕃牙帳東八百里徑于闐

行程記玉河源出崑山西北流至于闐界為白綠烏三河

堅昆碧盤最來多

唐書堅昆國在康

居西葱嶺北舊隨漢使干堆寶小答胡王萬匹羅

禮之常冀復循舊好也

今春喜氣滿乾坤南北東西拱至尊大歷三年調

玉燭元元皇帝聖雲孫

爾雅元孫之子為來孫來孫之子為景孫景孫之子

仍孫仍孫子為雲孫

二田末章了還喜字

送大理封王簿五郎親事不合卻赴通州

是此此下

主簿前閩州賢子余與主簿平章

似此此下

接即今云鄭氏女子垂欲納采鄭氏伯父京

書至女子已許他族親事遂停

鄭氏女時當在夔五郎乃

就婚而來者至則事已不諧因赴通州通州或是其父閩州移官處或是罷官移寓處

禁嚮去東床

晉謝溫議向孝武女晉陵公主未就而帝崩王詢戲混日卿莫近禁嚮

趨庭赴北堂

謂赴

風波空遠涉琴瑟幾虛張渥水

出騏驎

仇注謂閩州子

崑山生鳳凰

仇注謂鄭氏女

兩家誠款款

士詩注釋

卷二十一

六

自怡軒

中道許蒼蒼謂曾對天以盟頗謂秦晉匹從來王謝郎青

春動才調白首缺輝光白首公自謂玉潤終孤立晉史樂廣

壻衛玠議者謂婦公冰清女壻玉潤珠明得暗藏珠藏以况處女餘寒折花

卉恨別滿江鄉

接通首曲折寫題未聯我足送字意

將別巫峽贈南卿兄讓西果園四十畝

苔竹素所好萍蓬無定居遠遊長兒子幾地別林

盧雜蘂紅相對他時錦不如具舟將出峽巡圃念

攜鋤正月喧鶯未茲辰放鷁初雪籬梅可折風榭

柳微舒託贈卿家有因歌野興疎殘生逗江漢留

意之何處狎樵漁

按公以果園贈友反覆細寫又愛惜又珍重如以好友託人者然古人情趣於此可想

敬寄族弟唐十八使君左傳范宣子曰昔句唐氏在夏為御龍氏在商為豕韋氏在周為唐杜氏

與君陶唐後盛族多其人聖賢冠史籍枝派羅源

津在今氣磊落巧偽莫敢親介立實吾弟濟時肯

殺身物白諱受玷行高無汚真得罪永泰末放之

五溪濱時唐昭施州鸞鳳有鍛翻先儒曾抱麟雷霆劈

壯詩正舉 卷二十一 九 自怡軒

長松骨大卻生筋一失不足傷念子孰自珍泊舟

楚宮岸入巫山路戀闕浩酸辛除名配清江仇廷配為流配

九域志施州清江縣北至州界一百里厥土巫峽隣登陸將首途筆

札枉所伸歸朝跼病肺叙舊思重陳春風洪濤壯

谷轉頗彌旬我能泛中流唐突豔獺嗔長年已省

柁猶云慰此貞良臣

爾可首六句叙世譜介立以下表唐品概而慨其自道遭貶歸朝以下自叙弁言即欲出峽就

臨意

坐山縣汾州唐使君十八弟晏別兼諸公攜

酒樂相送率題小詩留於屋壁一田按唐十八係汾州人

時取施州道經巫山也

卧病已東久今年強作歸故人猶遠謫茲日倍多

違接晏身兼杖聽歌淚滿衣諸公不相棄擁別借

光輝

二田時則別讓屯而經巫山矣此行將到江陵而日強作歸者以就其弟觀居止意欲相將北

上也

遠遊

江濶浮高棟雲長出斷山塵沙連越雋音水今四

川行都司

風雨暗荆蠻雁矯銜蘆內猿啼失木間
敝裘蘇季子歷國未知還

二田詩似出峽舟行之作久
因驕樓乍臨昭曠神理如是

歸鴈

聞道今春雁南歸自廣州

唐會要大歷二年嶺南
節度徐浩奏十一月當

管懷集縣陽雁來乞編入史先是五嶺之
外雁不到浩以雁隨陽者臣歸君之象也

見花辭

漲海

謝承後漢書交趾七郡
土獻皆從漲海出入

避雪到羅浮

羅浮山
記羅山

浮山二山合體在
增城博羅二縣境

是物關兵氣何時免客愁年年
霜露隔不過五湖秋

朱注雁至衡陽則
因此當指洞庭湖

飛史稱徐浩貪而佞公蓋深
譏之浩以為祥公以為異耳

歸雁

東來萬里客亂定幾年歸腸斷江城雁高高正北
飛

二田舊編廣德二年白梓闍還成都作則
東來字不合當是大歷三年出峽後詩

春夜峽州田侍御長史津亭留晏得筵字

北斗三更席江西萬里船杖藜登水榭揮翰宿春

天白髮煩多酒明星惜此筵始知雲雨峽忽盡下

牢邊

唐志峽州
治下牢戍

杜詩注釋

卷二十一

三

自怡軒

杜詩言釋 卷二十一
三
〔二田〕恐是晏罷入舟後所成非席上作也次句已登舟矣杖藜追寫就晏時揮翰正舟宿興來之趣五六醉後回思語結意惟在舟中有此有悵然相捨之意

行次古城店泛江作不揆鄙拙奉呈江陵幕

府諸公

荆州圖經夷陵縣南對岸有陸抗故城卽山爲墟按古城或卽指此江陵

幕謂節度衛

伯玉之幕

老年常道路遲日復山川

遲日春日也

白屋花開裏孤

城麥秀邊濟江元自潤下水不勞牽風蝶勤依漿

春鷗懶避船王門高德業

衛伯玉時封陽城郡王

幕府盛才

賢行色兼多病蒼茫汎愛前

〔二田〕上八將古城泛江分兩層寫後四王門是陪才賢是主蓋是詩呈幕僚非呈衛公也結聯露呈書本旨

泊松滋江亭

輿地記勝江亭在松滋縣治後

紗帽隨鷗鳥扁舟繫此亭江湖深更白松竹遠微

青一柱全應近

杜臆一柱觀卽在松滋縣東邱家湖

高唐莫再經今

宵南極外甘作老人星

〔二田〕似因出峽遇險今得安流繫泊而作下半有痛定思痛意

漫成一首

江月去人只數尺風燈照夜欲三更沙頭宿鷺聯

拳靜船尾跳魚撥刺鳴

(二田)夜泊之景

大歷三年春白帝城放船出瞿塘峽久居夔

府將適江陵漂泊有詩凡四十韻(仇注詩本四十二韻)

老向巴人裏今辭楚塞隅入舟翻不樂解纜獨長

吁(通可)四語窄轉深嗟欲虛隨亂浴鳧石苔凌几

杖空翠撲肌膚疊壁排霜劍奔泉濺水珠杳冥藤

上下濃淡樹榮枯神女峯娟妙昭君宅有無幽留

別怨惜(琴操)昭君作夢盡失歡娛(神女賦)寐而夢

今不樂恨爾失志擺闔盤渦沸欹斜激浪論風雷纏地脉

冰雪曜天衢鹿角真走險(一統志)鹿角狼頭如跋

胡(一統志)狼頭惡難寧變色高固負微軀書史全

傾撓裝囊半壓濡生涯憐臬兀死地脫斯須(通可)

叙放舟峽不有平川決焉知衆壑趨乾坤龜漲海

中景事雨露洗春燕鷗鳥牽絲颺龍濯錦紆落霞沉綠

綺殘月壞金樞(海賦)注金樞泥笋苞初荻沙茸出

小蒲雁兒爭水馬鷺子逐檣烏絕島容煙霧環洲

納曉晡前聞辨陶牧(荆州記)有轉盼拂官都(杜臆)

陶朱公冢自怡軒

陵 縣郭南幾好原注路入松滋縣。肅宗以江陵

津亭北望孤津亭津渡亭候也。通可勞心依憩

息朗咏劃昭蘇昭蘇見曲臺記意遣樂還笑衰迷賢與愚

飄蕭將素髮泪沒聽洪鑪邱壑曾忘返文章敢自

誣此生遭聖代誰分哭窮途卧疾淹為客蒙恩早

厠儒廷爭酬造化指為拾遺疏諫事樸直乞江湖灑瀕險

相迫滄浪深可逾浮名尋已已通可懶計卻區區此段

自喜近天皇寺先披古畫圖原注此寺有晉王右

及顏子十原注應經帝子渚同沔列蒼梧帝子蒼梧皆在江陵之南

通可此段預計到江陵事 朝士兼戎服君王按湛盧旄頭初

俶擾此指祿山鶉首麗泥塗晉書郭首於辰為未秦之豸野屬雍州甲卒

身雖貴書生道固殊出塵皆野鶴歷塊匪轅駒伊

呂終難降韓彭不易呼五雲高太甲王勃夫子廟碑華蓋西臨

於太甲藏五雲六月曠搏扶剋首黎元病爭權將帥誅山

林託疲茶未必免崎嶇通可此段叙時事而兼咏懷了題漂泊二字

乘雨人行軍六第宅杜位為江陵行軍司馬

曙角凌雲亂春城帶雨長水花分塹弱巢燕得泥

忙令弟雄軍佐凡才汚省郎萍漂忍流涕衰颯近

中堂

(二田)上四乘雨入宅之景五六美第而慨已結語以哀白而上堂皇自顧殊闐然也

上巳日徐司錄林園晏集(禮)三月三日為上巳(舊)書開元間改

錄事參軍為司錄參軍

鬢毛垂領白花蕊亞枝紅欹倒衰年廢招尋令節

同薄衣臨積水吹面受和風有喜留攀桂(劉安)招(隱士)攀

援桂枝兮無勞問轉蓬柳淹留

(二田)鬢白花紅相形失笑衰年令節相值開懷當此水清風煖之辰攀留色喜便若好處安身矣一問行蹤又不免慄然增慨故反以無勞問杜其口也

晏胡侍御書堂

(原注)李尚書之芳鄭秘監審同集得歸字韻。李白夷陵

江湖春欲暮墻宇日猶微闐闐書籍滿輕輕花絮飛翰林名有素墨客興無違今夜文星動吾儕醉不歸

書堂飲既夜復邀李尚書下馬月下賦絕句

湖水林風相與清殘樽下馬復同傾久拚野鶴如

雙鬢遮莫隣雞下五更(藝苑雌黃)遮莫言儘教也

(二田)題只月夜詩則謂下馬更酌也

奉送蘇州李二十五長史丈之任

星拆台衡地朱注長史父必以宰相得罪特未詳其人曾為人所憐公

侯終必復左傳公侯之子孫必復其始經術昔相傳漢韋賢父子並以明

宰相經為食德見從事訟六三食舊德貞厲終吉或從王事克家何妙年

一毛生鳳穴三尺獻龍泉赤壁浮春暮亦壁在武昌府樊口

之姑蘇落海邊客間頭最白惆悵此離筵

邇可首八句叙李世系及美長史才華後四句送別頭最白公自謂也

暮春江陵送馬大卿公恩命追赴闕下

自古求忠孝名家信有之吾賢富才術此道未磷

緇王府標孤映穆天子傳羣玉之山四微中繩先王之所謂策府霜蹄去

不疑激揚音韻徹籍甚衆多推潘陸應同調孫吳

亦異時邇可此段叙大卿之才北辰徵事業南紀赴恩私卿

月昇金掌書卿士准月王春度玉墀薰風行應律湛露

即歌詩詩叙湛露天子燕諸侯之詩邇可此段叙恩命追赴闕下兼點暮春言大卿入朝

及此春期猶得陞見可天意高難問人情老易悲

樽前江漢濶後會且深期邇可四語自叙結到送別

和江陵宋大少府暮春雨後同諸公及舍弟

晏書齋顧注弟指杜位二田按恐指弟觀

渥洼汗血種。天上麒麟兒。才士得神秀。書齋聞爾

為。棧華晴雨好。綵服暮春宜。朋酒日歡會。老夫今

始知。詩朋酒斯饗。

莊兩尊曰朋。
三田少府開晏似。
為其親具慶而設。

暮春陪李尚書李中丞過鄭監湖亭汎舟得

過字。百韻詩自注鄭在江陵。

海內文章伯。湖邊意緒多。玉樽移晚興。桂楫帶酣

歌。春日繁魚鳥。江天足芰荷。鄭莊賓客地。衰白遠

來過。

我前六句從二李說起寫湖亭汎舟兼言景物之妙末二句收到鄭監而自憐衰白經過蓋傷之也。

宇文晁尚書之甥崔彧司業之子。黃生附說此十七字

本夏李尚書筵送宇文石首赴縣聯句詩自注之語誤與此混也。重泛鄭監

審前湖

郊扉俗遠長幽寂。野水春來更接連。錦席淹留還

出浦。葛巾欹側未廻船。樽當霞綺輕初散。棹拂荷

珠碎卻圓。不但習池歸。酩酊君看鄭谷去。黃緣仇

黃緣連絡之意。

杜詩注釋

卷二十一

三

自怡軒

二田一二寫前湖三四寫泛舟五六就泛舟綴景七八收歸鄉監

短歌行贈王郎司直

唐有官志司直掌糾劾官僚

王郎酒酣拔劍斫地歌莫哀我能拔爾抑塞磊落之奇才豫章翻風白日動

陸賈新語梗柁豫章天下之名木鯨魚

跋浪滄溟開且脫劍佩休徘徊西得諸侯棹錦水

欲向何門跋

先答珠履說文跋進足行所擬取也

仲宣樓頭春

色深

荆州記當陽縣城樓王仲宣登之而作賦

青眼高歌望吾子眼中

之人吾老矣

二田王郎將遊西蜀干諸侯酒酣哀歌公乃當筵贈此也上勸其莫哀下學其知遇也

憶昔行

憶昔北尋小有洞

在王屋山

洪河怒濤過輕舸

山梁宋間至彼

嵩過

辛勤不見華蓋君

即小有洞之道者

良岑青輝慘么

麼

良東北方通俗文不長曰么細小曰麼

千崖無人萬壑靜三步回

頭五步坐秋山眼冷魂未歸仙賞心違淚交墮

可通

首段甫入山時事

弟子誰依白茅屋盧老獨啟青銅鎖

仇注

盧老華蓋君弟子

巾拂香餘搗藥塵堦除灰死燒丹火元

圃滄洲莽空濶金節羽衣飄婀娜落日初霞閃餘

映倏忽東西無不可松風澗水聲合時青兕黃熊

嘯向我山通可此段入徒然咨嗟無遺跡至今夢想

仍猶左秘訣隱文須內教玉清石刻隱銘佩玉帝

帝文早念身空栖心內晚歲何功使願果更討衡

陽董鍊師即昔遊詩南浮早鼓瀟湘柁通可此段

正面末二句拓一步言不得於華蓋君須得於董鍊師云

惜別行送向卿進奉端午御衣之上都

肅宗昔在靈武城指揮猛將收咸京向公泣血灑

行殿向公當是佐佑卿相乾坤平逆胡冥冥隨煙

燼仇注指卿家兄弟功名震麒麟圖畫鴻雁行紫

極出入黃金印通可此段先尚書勲業超千古舊

衛伯玉拜江陵尹荆南節度使尋雄鎮荆州繼吾

祖荆州諸軍事裁縫雲霧成御衣拜跪題封賀

午向卿將命寸心赤乃將命進奉青山落日江湖

白卿到朝廷說老翁漂零已是滄浪客通可尚書

衣青山四向送別

寄李十四員外布十二韻原注新除司議郎

伏枕已聞理裝萬州今為縣屬夔州府

名參漢望苑漢書京太子冠武帝為立博望苑職

使通賓客唐志司議郎東宮官屬職

壯詩正畢

卷二十一

自怡軒

述景題輿謝承後漢書周景辟陳蕃為別駕不就
蕃懼遂景題別駕輿曰陳仲舉座也不更辟除
起就職巫峽將之郡
入萬之路荆門好附書遠行

無自苦內熱比何如正是炎天濶那堪野館疎黃

牛平駕浪黃牛灘在峽口畫鷁上凌虛試待盤渦

歇方期解纜初通可此段期悶能過小徑自為摘

嘉蔬渚柳元幽僻村花不掃除宿陰繁素奈過雨

亂紅蕖寂寂夏先晚泠泠風有餘江清心可瑩竹

冷髮堪梳直作移巾几秋帆發敞廬通可此段逸

秋涼水落然
後之官也

夏日楊長寧宅送崔侍御常正字入京得深

字韻唐書長寧縣屬鎮北大都督二田按宅

寧合楊轍詩豈其人
歟正字秘書省之職

醉酒揚雄宅升堂子賤琴不堪垂老鬢還對欲分

襟天地西江遠星辰北斗深烏臺俯麟閣仇注漢

丞掌蘭臺秘書圖籍故歷長夏白頭吟御史中

代以秘書與御史為隣
二田一二了長寧宅以下入送崔常話頭三

水宿遣興奉呈羣公羣公即江陵

曾鈍仍多病逢迎遠復迷耳聾須畫字髮短不勝

自怡軒

筮澤國雖勤雨

言得雨勤數

炎天竟淺泥小江還積浪

弱纜且長堤歸路非關北行舟卻向西暮年漂泊

恨久客亂離嗚童稚頻書札盤飧詎糝藜

藜藿不糝語出

莊子我行何到此物理直難齊高枕翻星月嚴城

鼓聲風號聞虎豹水宿伴鳧鷖異縣驚虛往同人

惜解攜蹉跎常泛鷁展轉屢鳴雞

邇可自首至此皆自叙行色了

題水宿

疑疑珊瑚噐陰陰桃李蹊餘波期救涸費

苦寒賁杖策門闌遠肩輿羽翮低自傷甘賤役

誰能一樓巨海能無鈞子任公為大鈞以五

浮雲亦有絲黠庸思樹立語默可端倪贈粟困

吳志曾肅有米二困周瑜

相如志登橋柱必題

丹心老未折時訪武陵溪

此段了奉呈羣公

二田公留江陵或稍資衛陽城存濟茲乃復向

外邑必有不得于中而別圖倚毗者栖泊之餘

次漂零之概中八句述窮途鮮濟之悲後段乃

告哀幕府布心腹也

夏夜李尚書筵送宇文石首赴縣聯句

李尚書名

愛客尚書重之官宅相賢甫酒香傾坐側帆影駐

十詩注釋

自台軒

江邊之芳

翟表郎官瑞

蕭廣濟孝子傳蕭芝至孝除尚書郎有雉數十飛鳴

車前二田按字文

當是郎官出宰者

鳧看令宰仙或雨稀雲葉斷夜

久燭花偏

甫數語歎紗帽高文擲彩牋

之芳興饒

行處樂離惜醉中眠

或單父長多暇河陽實少年

甫客居逢自出為別幾凄然

之芳

博議題中宇文石首即前宇文晁也詩注或即崔或也公與或同在李尚書筵中送宇文石首故有宅相令宰等句以美晁舊本俱作宇文或悞也

多病執熱奉懷李尚書

之芳時李在夷陵

衰年正苦病侵凌首夏何須氣鬱蒸大水淼茫炎

兩接

十洲記炎洲在南海之中

奇峯磳兀火雲升恩霑道暍黃

梅雨敢望宮恩玉井冰

鄴中記石季龍於冰井臺藏冰三伏日以賜大臣

不是尚書期不顧山陰夜雪興難乘

彌可前六句了多病執熱

四字未聯奉懷李尚書

二田李必有要公東題云奉

懷實則寄言不赴之故也

遣悶

地濶平沙岸舟虛小洞房使塵來驛道城日避鳥

檣暑雨留蒸濕江風借夕涼行雲星隱見疊浪月

光芒螢鑿綠帷徹珠絲骨鬢長哀箏猶憑几鳴笛

竟霑裳

通可首叙自暮至夜之景

倚著如秦贅

賈誼疏家貧子壯則出贅過

逢類楚狂氣衝看劍匣穎脫撫錐囊妖孽關東臭

鎮兵戈隴右瘡吐蕃時清疑武畧世亂踟文場餘力

浮於海端憂問彼蒼百年從萬事故國耿難忘

此段咏懷了題問字

江邊星月二首

驟雨清秋夜金波耿玉繩天河元自白江浦向來
澄映物連珠斷綠空一鏡升餘光隱更漏况乃露
華凝

通此詩咏雨後星月

江月辭風檻

一作

江星別霧船雞鳴還曙色鷺浴

自晴川歷歷竟誰種古詩歷歷種白榆悠悠何處圓客愁

殊未已他夕始相鮮

通可此詩咏曉星月

九月對驛近寺

更深不假燭月朗自明船金刹青楓外朱樓白水
邊城烏嘯眇眇野鷺宿娟娟皓首江湖客釣簾獨
未眠

杜詩註釋

卷二十一

白怡軒

我金刹照近寺朱樓照對
驛餘寫舟中對月景事

舟中

風餐江柳下。雨卧驛樓邊。結纜排魚網。連檣並米

船。今朝雲細薄。昨夜月清圓。飄泊南庭老。趙叟正南庭猶

北地謂之北庭。祇應學水仙。吳均詩是有琴高者凌波去水仙

二田此與前首即景短述耳而皓首漂泊之况蕭然在目

江陵節度使陽城郡王新樓成王請嚴侍御

判官賦七字句同作

樓上炎天水。雪生高飛燕。雀賀新成碧。窗宿露。蒙

濛濕米棋。浮雲細細輕。仗鉞褰帷。瞻具美。投壺散

帙。有餘清。自公多暇。延叅佐。江漢風流。萬古情

二田起映點新樓成三四句新成設色五六指陽城結聯貼到判官賦詩

又作此奉衛王

西北樓成雄楚都。遠開山嶽散江湖。二儀詩蜀還

高下三伏炎蒸定。有無推轂幾年淮。鎮靜曳裾終

日盛文儒白頭授簡焉能賦。媿似相如為大夫

二田樓當在開府西北隅三四顯出樓頭俯仰披豁景象五六即穩括前篇意末聯貼自己作詩補前篇所不及

秋日荆南述懷三十韻

昔承推獎分愧匪挺生材遲暮宮臣忝為拾遺艱危

衰職陪值肅宗在揚鑣隨日馭折檻出雲臺疏救

罪戾寬猶活干戈塞未開邈同首段先叙救瑄

霜元烏變身世白駒催更記魏豹曰人生一伏枕

因超忽扁舟任往來九蠻已喫火自乾元二年入

年三蟄楚祠雷自大歷元年至雲安望帝傳應實

昭土問不迴追溯元肅蛟螭深作橫豺虎亂雄猜

叛素業行已矣浮名安在哉琴鳥曲怨憤錄

琴曲有庭鶴舞摧頽秋水漫湘竹陰風過嶺梅苦

搖求食尾常曝報恩鯁結舌防讒柄探腸有禍胎

蒼茫步兵哭展轉仲宣哀飢藉家家米愁徵處處

孟休為貧士嘆任受眾人哈音台○楚辭注楚人

可此段自叙得喪初難識榮枯劃易該差池分

組冕合沓起蒿萊不必伊周地皆登屈宋才漢庭

和異域同紘晉史坼中台晉書中台星坼張華

霸業尋常體蒙和宗臣忌諱災蒙坼羣公紛戮力

聖慮省襄回數見銘鍾鼎真宜法斗魁晉書斗魁

三星日三公主願聞鋒鏑鑄莫使棟樑摧磐石主

多剪漢書高祖封王子弟所謂磐石之宗凶門轂

少推淮南子大將受命已則設垂旒資穆穆祝網

但恢恢赤雀翻然至尚書中候赤雀銜丹黃龍詎

假媒尚書中候舜沉璧於河黃龍負卷舒圖出入

賢非夢傳野隱類鑿顏坏淮南子魯君欲相顏

自古江湖客冥心若死灰通可四語自叙作結

秋日荆南送石首薛明府辭滿告別奉寄薛

尚書頌德叙懷斐然之作三十韻前有送字文石首詩

此云石首薛明府辭滿可知宇文正是代薛之任告別明府來荆南告別也辭滿在夏告

別在秋明府薛尚書之弟尚書乃薛景仙

南征為客久公自西候別君初候亭歲滿歸息烏

秋來把雁書謂其兄尚書之文即荆門留美化姜

被就離居聞道和親入舊書吐蕃傳大歷二年十

書薛景仙自吐蕃使還首領論泣陵隨入垂名報國餘連枝不日並入

座幾時除通可此段題往者胡星孛祿恭惟漢網

疎風塵相瀕洞天地一邱墟殿瓦鴛鴦圻鄴中記

雀臺皆洞冥記甘泉宮招仙閣宮簾翡翠虛編翠羽麟臺以為簾鈎陳

杜詩註釋

卷二十一

三

自怡軒

摧微道槍纍失儲胥長揚賦木擁槍文物陪巡狩

親賢病拮据公時呵貔猊首唱卻鯨魚通鑑至德元載以附

倉令薛景仙為扶風太守塞蘆子勢愜宗蕭相原

詩岐有薛大夫旁制山賊起即此屍填太行道血走浚儀

渠舊書浚儀名將盜口師仍會元和志太行入陘第四

逆臣傳代宗討史朝義右金吾大將函門憤已據

紫微臨大角皇極正乘輿賞從頻我冕殊恩再直

廬原注公舊執金吾新豈惟高衛霍曾是接應徐

應德墀徐公幹魏太子賓客宋注通鑑廣德二年以太子賓客薛景仙為五谷防禁使降集

翻翔鳳凰追攀絕眾狙侍臣雙宋玉戰策兩穰苴可

此段單頌鑿徹勞懸鏡荒蕪已荷鋤嚮來披述作

薛向書重此憶吹噓白髮甘凋喪青雲亦

卷舒經綸功不朽跋涉體何如原注公頃奉使應

訝航湖橋常餐占野蔬十年嬰藥餌萬里狎樵漁

揚子淹投閣鄒生惜曳裾但驚飛熠燿不記改蟾

蜍煙雨封巫峽江淮畧孟諸爾雅十數宋有孟諸

自湯池雖險固遼海尚填淤努力輸肝膽休煩獨

起予爾可四語復致望尚書作結

江漢漢水入江在今漢陽府界江陵之東境也

江漢思歸客。乾坤一腐儒。片雲天共遠。永夜月同孤。落日心猶壯。秋風病欲蘇。古來存老馬。韓非子老馬之智可不必取長途。

二田公至江陵本欲北歸此詩見志

地隅

江漢山重阻。風雲地一隅。年年非故物。處處是窮途。喪亂秦公子。用王粲本秦川貴公子語悲涼楚大夫。平生心已折。行路日荒蕪。

暮歸

梁權道編在大曆三年。按是年暮秋在公安作。

霜寒碧梧自鶴棲。城上擊柝復扶又鳥啼。客子入

門月皎皎。誰家搗練風淒淒。南渡桂水闕舟楫。北

歸秦一作洛非川多鼓鞞。年過平半百不稱去意。明日

看雲還杖藜。

上四暮歸見聞之景。下四暮歸流落之感。

杜詩註釋卷二十二目錄

舟出江陵南浦奉寄鄭少尹審

移居公安山館

哭李尚書

重題

哭李常侍嶧二首

官亭夕坐戲簡顏少府

醉歌行贈公安顏十少府

送顧八分文學適洪吉州

吳縣宋氏補刊

公安送韋二少府匡贊

公安縣懷古

呀鵲行

宴王使君宅二首

公安送李二十九弟晉叔入蜀

留別公安大易沙門

別董頴

別張十三建封

曉發公安

發劉郎浦

久客

冬深

夜聞簷粟

歲晏行

泊岳陽城下

纜船苦風戲題四韻

登岳陽樓

陪裴使君登岳陽樓

發白馬潭

南征

歸夢

過南嶽入洞庭湖

宿青草湖

宿白沙驛

湘夫人祠

祠南夕望

尋望

清明二首

嶽麓山道林二寺行

酬郭十五判官

發潭州

雙楓浦

入喬口

銅官渚守風

北風

上水遣懷

遣遇

早行

解憂

宿鑿石浦

過津口

次空靈岸

宿花石戍

次晚洲

早發

詠懷二首

望嶽

衡州送李大夫七丈赴廣州

湘江宴餞裴二端公

江閣對雨有懷行營裴二端公

江閣卧病走筆寄呈崔盧兩侍御

哭韋大夫之晉

廻棹

潭州送韋員外迨牧韶州

樓上

千秋節有感二首

奉贈盧五丈參謀璩

惜別送劉僕射判官

重送劉十弟判官

謝安嘗謂謝道韞曰：『雪落何如？』道韞曰：『未若柳絮因風起。』

謝道韞

杜詩註釋卷之二十二

上海曹洪志士心氏參訂

雲間許寶善穆堂氏編輯

受業桂心堂一枝氏校

秋

舟出江陵南浦奉寄鄭少尹審

將移居公安也由江陵渡

江而南即公安鶴注時鄭為江陵少尹

更欲投何處飄然去此都形骸元土木舟楫復江

湖社稷纏妖氣干戈送老儒百年同棄物萬國盡

窮途雨洗平沙淨天銜濶岸紆鳴蜩隨泛梗別燕

起秋菰棲託難高卧饑寒迫向隅寂寥相响沫莊子

魚相响以沫浩蕩報恩珠朱注隋侯見傷蛇以藥封之蛇銜明珠以報

溟漲鯨波動衡陽雁影徂南征問懸榻東逝想乘

桴濫竊商歌聽齊威飯牛歌時憂卞泣誅韓非子卞和得玉璞以獻

楚王王則其足乃抱璞而哭於荆山之下經過憶鄭驛斟酌旅情孤

二田通首皆情語寄鄭意只結處一照

移居公安山館

南國晝多霧北風天正寒路危行木杪身遠迴作

宿雲端山鬼吹燈滅厨人語夜闌雞鳴問前館世

亂敢求安

二田似是未至館之前夜託宿山中作上四從途次說到投宿五六就投宿處寫景前館乃是題中山館今所宿之境如此則山館之凄苦亦可知問之必有云不安者故解之曰世亂敢求也安

哭李尚書之芳

漳濱與蒿里逝水竟同年欲掛留徐劍季札過徐君墓事

猶迴憶戴船相知或白首此別問黃泉風雨嗟何

及江湖涕泣然修文將管輅魏志輅謂弟辰曰天與我才明不與我年

壽後卒年舊書廣德二年之芳使吐蕃被留二歲乃還史

閣行人在詩家秀句傳客亭鞍馬絕旅櫬網蟲懸

復魄昭邱遠昭邱荆州地歸魂素漣偏素漣長安地樵蘇封

葬地喉舌罷朝天後漢李固傳北斗為天之喉舌秋色

凋春草王孫若箇邊唐宗室表之芳將上憚之後

二田問計而兼聞歸櫬闕於弔送作此以哭之上四韻自述契濶存亡之感下乃哀其死而遙意其落莫歸葬也

重題

涕灑不能收哭君餘白頭兒童相識盡宇宙此生

浮江雨銘旌濕湖風非徑秋還瞻魏太子賓客滅

應劉原注李薨於太子賓客

二田前首為李悲此篇并為自悲矣此生浮相識盡已亦近死而更漂流也太子而以客滅為傷則舊交益宜以友亡增痛矣

哭李常侍嶧二首

一代風流盡修文地下深斯人不重見將老失知

音短日行梅嶺寒山落桂林仇云李常侍蓋死於廣南歸葬長安長

安若箇伴猶想映貂金唐制侍中冠金蟬珥貂

二田首章泛就常侍身歿歸櫬致其哀情

青瑣陪雙入銅梁阻一辭唐銅梁縣屬渝州方公曰蜀下夔時李必嘗官

於渝者 風塵逢我地江漢哭君時次第尋書札呼兒

檢贈詩發揮王子表漢書有王子侯表常侍亦係宗室不魏史臣

詞

二田次章將舊交投贈之誼縷縷叙出在京則嘗同官在渝則過其地而關於叙別意謂後當重見也乃今逢我之地竟成哭君之時誰能堪此乎追維宿好贈札如新逆料後名史書不泯歿者之日可瞑而存者之悲何能已矣

官亭夕坐戲簡顏十少府即公安尉

南國調寒杵西江浸日車客愁連蟋蟀亭占帶兼

葭不返青絲鞋虛燒夜燭花老翁須地主細細酌

流霞

按此詩前半寫官亭之寥落無有過而問者不得不有望於地主之存郵名戲顏實有感耳

醉歌行贈公安顏十少府請顧八題壁顧即顧八

分文學 戒奢

神仙中人不見得顏氏之子才孤標天馬長鳴待

駕馭秋鷹整翮當雲霄君不見東吳顧文學君不

見西漢杜陵老仇注杜陵在西京故曰西漢詩家筆勢君不嫌

詞翰升堂為君掃是日風霜凍七澤烏蠻落照銜

此詩在卷二十一 四 自怡軒

赤壁仇注烏巒在西赤壁在東落照自西而映東也酒酣耳熱忘頭白感

君意氣無所惜一為歌行歌主客

二田顏少府乞公作詩乞顧八分書於壁公即其事以為詩

送顧八分文學適洪吉州

集古錄唐呂誼表顧戒奢八分書余謫夔陵過荆南見此碑唐書洪州豫章郡吉州廬陵郡俱屬江西道採訪使治洪州

中郎石經後帝許之邕乃自書丹於碑使工鐫刻

立太學門外八分益憔悴顧侯運鑪筆力破餘地昔

在開元中韓蔡同曩韓蔡謂韓擇木蔡有隣元宗妙其書

是以數子至御札早流傳書苑元宗好圖畫工八分章草揄揚

造次三人並入直恩澤各不一顧於韓蔡內辨眼

工小字分日侍諸王鈎深法更秘適可此段叙文

溯開元時事以韓蔡作陪文學與我遊蕭疎外聲利追隨二十

載浩蕩長安醉高歌卿相宅文翰飛省寺視我班

揚間白首不相棄驂騑入窮巷必脫黃金轡一論

朋友難遲暮敢失墜古來事反覆相見橫涕泗向

者玉珂人誰是青雲適可此段叙才盡傷形體病渴汚官位

故舊獨依然時危話顛躋顧與公交情我甘多病

老子負憂世志胡為困衣食顏色少稱遂遠作辛

苦行順從衆多意舟楫無根蒂蛟鼉好爲祟况兼

水賊繁特戒風颺駛崩騰戎馬際往往殺長吏

可

此段叙顧行色憔悴并道路之艱難子干東諸侯勸勉防縱恣那以

民爲本魚飢費香餌請哀瘡瘻深告訴皇華使使

臣精所擇進德知歷試惻隱誅求情固應賢愚異

可此段總欲文學以民

隱勸勉洪吉二州刺史

致贈子猛虎行出郊載酸鼻

可此段戒其失身相愛之情溢於言表

公安送韋二少府匡贊

逍遙公後世多賢北史周韋夏養高不仕明帝虛爲逍遙公送爾維舟

惜此筵念我能書數字至將詩不必萬人傳時危

兵草黃塵裏日短江湖白髮前古往今來皆涕淚

斷腸分手各風煙

二出韋將他適公與酌別三四以寥落之感爲送別之詞五六值亂向衰之慨如此則惟藉朋友遣懷况又風煙分手能無斷腸乎

公安縣懷古

野曠呂蒙營十三州志吳大帝封呂蒙爲孱陵侯袁宇記公安縣有孱陵城江深

劉備城水經注沱水東至孱陵入油水其城背油

州寒天催日短風浪與雲平灑落君臣契飛騰戰伐

名維舟倚前浦長嘯一含情

二田上言古下言懷

呀鵲行

呀虛加切張口貌。集外詩

病鵲孤飛俗眼醜每夜江邊宿衰柳清秋落日已

側身過雁歸鴉錯迴首

言凡鳥不復喫驚

紫腦雄姿迷所

向疎翮稀毛不可狀疆神還

一作非

復皂雕前後才

早在蒼鷹上

見雕蒼鷹亦鵠類。邇可言鵲雖病而其神之強才之俊尚思在於雕鷹

之風濤颯颯寒山陰熊羆欲蟄龍蛇深念爾此時

有一擲失聲濺血非其

邇可言當陰寒之時萬物皆深蟄而鵲獨思一

以當其意今川之失聲濺血本非其心也

二田前四借其病中四原其才後四推其心亦以自寓也

晏王使君宅題二首

邵注王必荊州人閒居邑中者

漢王追韓信蒼生起謝安

謝安傳安石不起其如蒼生何

吾徒自

漂泊世事各艱難逆旅招邀近他鄉意緒寬不才

甘朽質高卧豈泥蟠

法言龍蟠於泥

二田首章抒寫酒間相感歎之語

汎愛容雙鬢留歡卜夜闌自吟詩送老相對酒開

顏戎馬今何地鄉園獨舊山江湖墮清月酌酌任

七 自治軒

扶還

〔二田〕次章乃詳叙留晏
叙事之中言情寓焉

公安送李二十九弟晉肅入蜀余下沔鄂

唐書

沔州漢陽郡鄂州江夏郡俱屬江南西道〔二田〕按此自荆至江之路時有此興終不果往

竟至
湖南

正解柴桑纜〔通典〕潯陽縣南楚城驛即漢柴桑縣仍看蜀道行檣烏

相背發塞雁一行鳴南紀連銅柱西江接錦城憑

將百錢卜漂泊問君平

〔適可〕前四公李合叙後送李入蜀而接以
百錢卜云云蓋公漂泊亦欲煩李寄耳

留別公安大易沙門

〔後漢郊祀志〕沙門漢言息心

居欲就廬山遠廬山在江西九江府晉惠遠居之人號為廬山遠麗藻

初逢休上人南朝惠休姓湯氏能詩人號湯休數問舟航留製作

長開篋笥擬心神沙村白雪仍含凍江縣紅梅已

放春先蹋鑪峯置蘭若廬山有香鑪峯徐飛錫杖出風塵

〔二田〕上四叙未別時事客中得遇詩僧乃深喜之詞而首句已透欲赴江州消息數問訪行期而致以詩也長開觀彼來作而感其情也五見此地之景六擬彼地之景結言以彼築室相待蓋此行志在江州後不果往遂入湖南耳

冬晚別董頴

窮冬急風水逆浪開帆難士子甘旨闕不知道里

寒有求彼樂土南適小長安續漢書涇陽縣有小長安二田按南適恐

誤鄧在江陵西北也別我舟楫去覺君衣裳單在鄧州南陽縣素聞

趙公節仇注指鄧州守兼盡賓主歡已結門閭望無命霜

雪殘邇可此段別董頰已了完題面老夫纜亦解脫粟朝未餐飄

蕩甲兵際幾時懷抱寬漢陽頗寧靜唐書漢陽縣屬鄂州峴

首試考槃朱注峴山在襄陽與鄧州相近當念著皂帽采薇青雲

端邇可此段自叙

二田董貧無以為奉養計暍勉出遊公贈此為別前十一句叙董出之故與之鄧之情而囑其

及早歸侍後八句自叙目前前行蹤而告以意中所向

別張十三建封舊書湖南觀察使韋之晉署參謀建封不樂職輒去

二田舊編四年冬考之晉於是年之夏物故詩中不及當編二年之冬

嘗讀唐實錄國家草昧初劉裴首建議劉文靜傳大業末為

晉陽令與晉陽宮監裴寂善文靜見太宗謂寂曰唐公子非常人也因與定議起兵龍見向

躊躇秦王撥亂姿一劍總兵符通鑑高祖鎮太原劉裴建議帝未允

秦王贊之遂起兵汾晉汾晉為豐沛暴隋竟條除宗臣則廟

食後祀何疏燕邇可建封為文靜外孫先叙彭城

英雄種劉文靖傳文靖自言系出彭城宜膺將相圖爾惟外曾孫

備儻汗血駒眼中萬少年用意盡崎嶇（適可）此段叙建封世

系相逢長沙亭乍問緒業餘乃吾故人子（唐書）建封兗州

人父玠少豪俠祿山偽將脅下童非聯居諸（宋注）

城邑玠率鄉豪救之而不言功（公父）

閑為兗州司馬當是趨庭之揮手灑衰淚仰看八尺軀（仇注）

尺軀內外名家流（仇注）名家為文靖外曾孫風神蕩

江湖范雲堪結友（梁書）范雲專趣人之急與王咳

躬營嵇紹自不孤（晉書）嵇康與山濤結神交康臨

哈殯（適可）此段叙交誼謂其子紹曰巨源在汝不孤

始（適可）此段叙韋王憂急盜賊師老荒京都舊

邱豈稅駕大厦傾宜扶君臣各有分管葛本時須

雖當霰雪嚴未覺栝栢枯高議在雲臺嘶鳴望天

衢羽人掃（仇云）當碧海功業竟何如（適可）此段勉

不可終老邱園

曉發公安（原注）數月憇息此縣

北城擊柝復欲罷東方明星亦不遲隣雞野哭如

昨日（哭即）曉也以哀物色生態能幾時舟楫眇然

自此去江湖遠適無前期出門轉盼已陳跡藥餌

扶吾隨所之

〔邇〕可通首因曉發而感時序之作

發劉郎浦

江陵圖經劉郎浦在石首縣先王納吳女處○發公安詩

掛帆早發劉郎浦。疾風颯颯昏亭午。舟中無日不

沙塵。岸上空村盡豺虎。十日北風風未迴。客行歲

晚晚相催。白頭厭伴漁人宿。黃帽青鞋歸去來。

〔三〕田此連日舟行所感拂意南行風催不轉聊以歸懷矯之然亦託之懸想而已

久客

羈旅知交態。淹留見俗情。衰顏聊自哂。小吏最相

輕。去國哀王粲。傷時哭賈生。狐狸何足道。豺虎正

縱橫。

〔二〕田本為薄俗相輕而發下復就世亂翻開一步

冬深

花葉惟天意。江溪共石根。早霞隨類影。寒水多依

痕。易下楊朱淚。見岐路而泣難招楚客魂。風濤暮不穩。

捨棹宿誰門。

〔二〕田舟中漂泊之詩也

夜聞鶯栗

樂府雜錄鶯栗者本龜茲國樂又名悲栗以竹為管以蘆為首有類

杜詩注釋

卷二十二

十

自怡軒

於

夜聞鶯栗滄江上衰年側耳情所嚮隣舟一聽多
感傷塞曲三更歛悲壯積雪飛霜此夜寒孤燈急
管復風湍君知天地兵戈滿不見江湖行路難

二田舟中聞悲急之音而自訴苦衷也○邇可
末二句言鶯栗之吹已見兵戈之滿地矣獨不
見行路之難乎何
以慰此離懷耶

歲晏行

歲云暮矣多北風瀟湘洞庭白雲中漉爰天寒綢
苦凍莫搖射雁鳴桑弓隋地里志長沙郡雜有夷
蠻名曰莫搖自言其先祖

有功嘗
免徭役去年米貴闕軍食朱注舊書大歷二年冬
幸百官京城士庶出錢

以助軍二田按詩
所指恐湖南亦災今年米賤太傷農高馬達官厭

酒肉乃指湖
南官長此輩杼軸茅茨空楚人重魚不重鳥

風俗通吳楚之人重
魚鹽不重禽獸之內汝休枉殺南飛鴻况聞處處

鸞男女割慈忍愛還租庸往日用錢捉私鑄今許

鉛鐵和青銅舊書天寶數載之後奸人漸收好錢
潛往江淮之南每錢貨得私鑄惡者

五文假託私用鶯眼鐵錫古文
縱纒之類每貫重不過三四觔刻泥為之最易得

好惡不合長相蒙萬國城頭吹畫角此曲哀怨何

時終

本言言彩
二田此哀民之困於征歛也起四點題中間一片下蓋斂重由於軍興軍不息則斂不輕故結聯道破

泊岳陽城下
岳陽即岳州在天岳山之陽故名

江國踰千里山城近百層岸風翻夕浪舟雪灑寒燈留滯才難盡艱危氣益增圖南未可料變化有

鷓鴣

二田首句漂流之遠次句仰眺之神三四之景正從五六之留滯艱危寫出而忽以才氣變化結出壯往與致蓋因向

南觸起亦以自豪也
纜船苦風戲題四韻奉簡鄭十三判官 泛

楚岸朔風疾天寒鷓鴣呼漲沙霾草樹舞雪渡江

湖吹帽時時落維舟日日孤因聲置驛外為覓酒

家壚
漢書注賣酒之處累土為壚以居酒甕形如鍛壚

二田為苦風雨而索酒於鄭以韻語代尺牘也上寫風勢確是船中語五六著身寫因聲因而寄聲也置驛切郊頗以覓酒為面覷故題曰戲

登岳陽樓
岳陽風上記岳陽樓城西門樓也下瞰洞庭

昔聞洞庭水今上岳陽樓吳楚東南坼乾坤日夜浮親朋無一字老病有孤舟戎馬關山北憑軒涕

泗流

邇可上四登樓之景後則登樓之情

大歷四年是年自岳之潭州尋之衡州又回潭州

陪裴使君登岳陽樓裴岳州守也

湖濶兼雲霧樓孤屬晚晴禮加徐孺子詩接謝宣城雪岸叢梅發春泥百草生敢違漁父問從此更

南征

按首二句寫岳陽樓之景三四美裴使君之情五六寫目前好景如此敢違垂問而更去乎結十字一氣

發白馬潭一統志岳州巴陵縣有白馬磯

水生春纜沒日出野船開宿鳥行猶去蒹花笑不來人人傷白首處處接金盃莫道新知要南征且

水廻

二田當由客途情面不可倚恃而發

南征

春岸桃花水雲帆楓樹林偷生長避地適遠更誰襟老病南征日君恩北望心百年歌自苦未見有知音

二田亦與前篇一脈轉下首四依違作態若可依而避世終將舍而遠適也五六緣不得於交

遊聊結想於君父人窮反本意也七八正見不得於交遊處兩聯倒裝

歸夢

道路時通塞江山日寂寥偷生惟一老伐叛已三

朝元肅雨急青楓暮雲深黑水遙惟在夢境夢魂

歸未得不用楚詞招

二田前四言老矣羈人頻經喪亂是以夢魂長結京國五六正摹夢境七八并夢亦不得歸魂雖招而無益撇開題面更深

過南嶽入洞庭湖

洪波忽爭道岸轉異江湖鄂渚分雲樹九州記鄂

也衡山引舳艫翠牙穿裊蔣唐雅裊蔣蔣之瘦而未壯者碧節

吐寒蒲病渴身何去春生力更無壤童犁雨雪漁

屋架泥塗欹側風帆滿微冥水驛孤悠悠回赤壁

趙注赤壁在夏口浩浩畧蒼梧蒼梧更在南帝子留遺

浪曹公屈壯圖聖明光御極殘孽駢艱虞才淑隨

廝養史記韋昭注折薪為廝炊烹為養名賢隱鍛鑪用嵇康事邵平元

入漢張翰後歸吳莫恠嗝痕數危檣逐夜烏

二田自鄂州之潭州作首八句明意中所嚮中八句正身之所經後八句結出不得已而為此行

宿青草湖名勝志湖北連洞庭南接蕩湖夏秋水泛與洞庭為一水涸此湖先乾青草生焉故名

洞庭猶在目青草續為名宿槩依農事郵籤報水程宋注郵籤驛館更籌也寒冰爭倚薄雲月遞微明湖雁雙

雙起人來故北征

三田一二點地三四點宿依農事者皆之是適傍農莊報水程者報夏之聲時到聯顧宸云湖雁豈為我南征故意以北示人即見南行非本願夫宿以沙驛原如霜露驛或以此餘照人煙復此意歸邊沙

青萬象皆春氣孤槎自客星隨波無限月

南溟莊子南溟者天池也

三田一二點宿之候三四折點地名五六卸物之得春呈象慨已之作客偏孤結又消然湘夫人祠山海經洞庭之山帝之二女居之水經注二妃廟世謂之黃陵廟舜之陟方二妃從征溺於湘江神游於洞庭之淵出入瀟湘之浦民為立祠水側焉

蕭蕭湘妃廟空墻碧水春蟲書玉佩蘼燕舞翠帷塵晚泊登汀樹微馨借渚蘋蒼梧恨不盡染淚在

叢筠

邇可上四廟中景五六入廟事末聯挽出湘夫人作結

杜詩注釋

卷二十二

六

自怡軒

祠南夕望

百丈牽江色孤舟泛日斜興來猶杖履目斷更雲沙山鬼迷春竹湘娥倚暮花湖南清絕地萬古一長嗟

三田上四清還題事下四黃生謂如見靈均所賦妙有微會蓋於夕望清絕之餘恍然遇之此日之含情即當年之託興故曰萬古一長嗟不如此會結便索然

野望

納納乾坤大行行郡國遙雲山兼五嶺元和志晉懷帝置湘州南以五嶺為界風襲帶三苗書注三苗之國左洞庭右彭蠡野

樹侵江濶春蒲長雪消扁舟空老去無補聖明朝

按首二句虛含三四望中遠景五六望中近景末聯舟行觸起心事

清明二首

朝來新火起新煙湖色春光淨客船繡羽銜花他

自得紅顏騎竹我無緣胡童結束還難有湖南多胡童

楚女腰肢亦可憐不見定王城舊處寰宇記潭州長

沙縣定王廟俗謂之定王岡長懷賈傅井依然盛宏之記湘州南市之東有賈

誼宅中有井虛雷周舉為寒食後漢周舉傳太原舊俗以介子推焚骸有龍忌

之禁士民每冬至輒一月寒食舉為并州刺史作書置子推廟言盛冬去火非賢者之意容齋隨筆

此乃冬中非今二三月間也鄴中記并州俗冬至後一百五日爲子推斷火按詩參用周舉傳鄴中實藉君平賣卜錢鐘鼎山林各天性濁醪麤飯

任吾年

田首章就清明興感一點時二點地三四流水對謂身老而倦遊胡童楚女本地遊人定王賈傳本地古跡虛霑實藉帶節候而述貧况以在運作結

此身飄泊苦西東右臂偏枯左耳聾素問風疾或爲偏枯寂寂繫舟雙下淚悠悠伏枕空十年蹴踔將雛遠萬里鞦韆習俗同旅雁上雲歸紫塞家人鑽火用青楓秦城樓閣鶯花裏漢主山河錦繡中春水

春系詞氣滿白蘋愁殺白頭翁

感清明只用點逗

嶽麓山道林二寺行

方輿勝覽白湘西古渡登岸夾徑喬松泉間盤

玉泉之南麓山殊隋煬帝集開皇十二年智顛禪師至荆州初立玉泉寺道

林林壑爭盤紆寺門高開洞庭野殿腳插入赤沙

湖岳陽風土記赤沙湖在華容縣南五月寒風冷佛骨六時天樂

朝香爐地靈步步雪山草楞嚴經雪山大力白牛食其山中肥膩香草

僧寶人人滄海珠塔通級宮墻壯麗敵香厨松道

清凉俱蓮池交響共命鳥彌陀經七寶池中有伽陵頻伽其名之鳥出和

雅音金榜雙迴三足鳥邇可此段咏二寺方丈涉海費時節

東在海元圃尋河知有無在西暮年且喜經行近春

日兼蒙暄暖扶飄然斑白身奚適傍此煙霞茅可

誅桃源人家易制度橘洲田土仍膏腴寰宇記橘洲在長沙

縣西南潭府邑中甚淳古太守庭內不喧呼舊書大歷

江中四年二月以湖南觀察使韋之晉昔遭衰世皆晦

迹今幸樂國養微軀依止老宿亦未免富貴功名

焉足圖久為謝客尋幽慣異苑謝靈運生於會稽其家以子孫難得送於

錢塘杜明師贊之十細學何宋云當黜免興孤周

好佛一重一掩吾肺腑山鳥山花吾友於宋公放逐

曾題壁原注宋之問之問傳睿宗立詔流欽物

色分留待老夫

二田前十二句誌二寺之勝中四句為上下過

接後十六句歷述風上之美而思結廬終老焉

酬郭十五判官受唐詩紀事郭受大歷間為衡陽判官

才微歲晚尚虛名卧病江湖春復生藥裹關心詩

總廢花枝照眼句還成只同燕石能星隕自得隋

珠覺夜明喬口橘洲風浪促公入喬口詩原驚帆送在長沙北

何惜片時程

仇云燕石比已詩隋珠比郭詩結語何惜片時程冀郭到潭相訪耳

杜員外兄垂示詩因作寄上 郭 受

二五按杜云剛郭則郭詩先之矣乃此題云爾常必杜先有贈而今逸也

新詩海內流傳遍舊德朝中屬望勞郡邑地卑
饒霧雨江湖天濶足風濤松花酒熟看醉蓮
葉舟輕白學操春興不知凡幾首衡陽紙價頓
能高

發潭州 鴻注自潭之衡時作

夜醉長沙酒曉行湘水春岸花飛送客檣燕語留

人賈傅才何有 一作未非 褚公書絕倫 唐書褚遂良工隸楷高宗時諫

立武昭儀為后 名高前後事回首一傷神 左遷潭州都督

二田三四發船之景人情冷落在於言外才何有而今安在書絕倫只此流傳所以回首而為之傷神也 借人形已

雙楓浦 方輿勝覽青楓浦在潭州瀏陽縣

輟棹青楓浦雙楓舊已摧自驚衰謝力不道棟梁
材浪足浮紗帽皮須截錦苔江邊地有三暫借上
天迴

〔邇可〕此首借喻意
語俱在離卽之間

入喬口〔原注〕長沙北界。〔唐〕
書潭州有喬口鎮兵

漠漠舊京遠遲遲歸路賒殘年傍水國落日對春
華樹蜜早蜂亂江泥輕燕斜賈生骨已朽悽惻近

長沙

〔邇可〕首四句情五六景末聯因經其地生感言
賈生沒後又有近長沙而悽惻者不獨歎賈也

銅官渚守風〔水經注〕湘水右岸銅官浦出焉
〔一統志〕銅官渚在長沙府城北

不夜楚帆落避風湘渚間水耕先浸草春火更燒
草泊雲物晦逆行波浪慳飛來雙白鶴過去登

難攀

〔二〕田首聯清還守風三四其時所見五六從首
聯申說出阻滯意來結乃借物慨已纔飛來便
過去我之阻滯
不如白鶴遠矣

北風〔原注〕新康江口信宿方行。○新康
卽今益陽縣其江口蓋在湘潭

春生南國瘴氣待北風蘇向晚霾殘日初宵鼓大
爐爽攜卑濕地聲拔洞庭湖萬里魚龍伏三更鳥
獸呼滌除貪破浪愁絕付摧枯執熱沉沉有凌寒
往往須且知寬病肺不敢恨危途再宿煩舟子衰
容問僕夫今晨非盛怒便道卻長驅隱几看帆席

雲山湧坐隅

(二)田自潭至衡喜北風為順亦因其太大而稍停兩情交迫

上水遣懷

趙子樂譜自岳之潭之衡為上水

我衰太平時

我衰廢棄之意

身病戎馬後

身病疲病之病

蹭蹬多

拙為安得不皓首驅馳四海內童稚日餬口但遇

新少年少逢舊親友低頭下邑地故人知善誘後

生血氣豪舉動見老醜窮迫挫曩懷常如中風走

朱浮與彭寵書伯

一紀出西蜀

自乾元元年入蜀大歷三年出峽凡

十一於今向南斗孤舟亂春華暮齒依蒲柳世說蒲柳

之姿望秋先零○按此段叙上水之故寫盡世態炎涼少年輕薄之狀而容途之窮窘可見冥

冥九疑葬

山海經九疑山舜所葬在長沙零陽界中

聖者骨已朽蹉跎

陶唐人鞭撻日月久中間屈賈輩

屈賈俱流寓長沙者

讒毀

竟自取

叶此苟切

鬱沒二悲魂

指屈賈

蕭條猶在否

此段

因上水所經之地而感慨古人崑崙清湘石逆行雜林藪篙工密

逞巧氣若醜杯酒歌謳互激越回斡明授受善知

應觸類

善知深識事機之謂

各藉脫穎手古來經濟才何事

獨罕有

邇可此因上水之事拓開一步

蒼蒼衆色晚熊掛元蛇吼

黃羆在樹巔正為羣虎守羸骸將何適履險顏頗

厚庶與達者論吞聲混瑕垢邇可此段又因上水所見之物處處可畏

而生感慨

二田此因水路漂流而歷湖惡况中間即事即地雜書所見末乃歸之混俗以遣懷也

遣遇

磬折辭主人開帆駕洪濤春水滿南國朱崖雲日

高湘中記赤崖如朝霞舟子廢寢食飄風爭所操我行匪利

涉謝爾從者勞從者相隨僕役助力濟險者石間採蕨女鬻市

輸官曹丈夫死百役暮返空村號聞見事畧同刻

剝及錐刀貴人豈不仁視汝如莠蒿索錢多門戶

喪亂紛嗷嗷奈何黠吏徒漁奪成逋逃自喜遂生

理花時甘緼袍

二田此篇中間大半皆日擊民窮規切時事語前後以行蹤旅况起結實主秩然

早行

歌哭俱在曉行邁有期程孤舟似昨日聞見同一

聲飛鳥數求食潛魚何獨驚前王作網罟設法害

生成碧藻非不茂高帆終日征干戈未揖讓崩迫

開一作其情

二田前八句登聞窮民愁苦之聲而發慨也歌哭皆作悲聲解飛鳥自喻潛魚喻民言我之棲

杜詩注釋

卷二十二

三

自怡軒

止不定為求食耳彼民各安其居何亦驚恐乃爾祇緣誅求法密害彼生成之故後四結出舟中早行而自明發歎之由蓋由我之值亂崩迫故聞悲聲即關情焉

解憂邇可上水得脫危險而作

減米散同舟路難思其濟向來雲濤盤衆力亦不

細呀坑瞥眼過呀坑言於坑灘口之危險也飛櫓本無蒂得失

瞬息間致遠宜恐泥百慮視安危分明曩賢計茲

理庶可廣拳拳期勿替

二田此上水過險僥倖得脫而舉為前車之鑒

宿鑿石浦邵注在今長沙府湘潭縣西

早宿賓從勞言宿之早者以賓從勞之故仲春江山麗飄風過

無時舟楫敢不繫迴塘淡暮色日沒衆星噤詩注噤微

貌初月殊未升殊說文云死也左傳斬其木而弗殊月殊書所云死魄也正與下燈

對青燈死分翳燈死燈未燃也分翳分星光之陰翳窮途多俊異亂

世少恩惠鄙夫亦放蕩草草頻年歲斯文憂患餘

聖哲垂彖繫

按首八句鳥所以早宿并宿時景事窮途以下推開言之以自悲又以自慰

過津口仇注當在衡山相近處

南岳自茲近湘流東逝深和風引桂楫春日漲雲

岑廼道過津口而多楓樹林白魚困密網黃鳥喧
嘉音物微限通塞惻隱仁者心瓮餘不盡酒膝有
無聲琴聖賢兩寂寞眇眇獨開襟

按首四寫過津口以前景事中六語因見景物而生感末四語自解正無可如何耳

次空靈岸

十道四蕃志湘水有空船灘一統志空船岸在湘潭西一百六十里

云云逆素浪落落展清眺幸有舟楫遲得盡所歷

妙空靈霞石峻

張載賦霞石駁落

楓枯隱奔峭青春猶無

一作私白日已偏照可使營吾居終焉託長嘯毒

瘴未足憂兵戈滿邊徼如附薊河嚮者留遺恨耻

為達人誦迴帆觀賞延佳趣領其要

按此詩即空靈岸所歷之景物而生感慨可使以下設為卜隱之思末四句言嚮者未盡山水之勝欲於迴帆時領畧其妙耳

宿花石戍

唐書潭州長沙有花石二戍

午籬空靈岑夕得花石戍岸疏開闢水木雜古今
樹地蒸南風盛奏熱西日暮四序本平分氣候何
回互茫茫天造間理亂豈恒數繫舟盤藤輪杖策
古樵路罷人不在村野圃泉自注柴扉雖蕪沒農
器尙牢固山東殘逆氣河北諸鎮吳楚守王度誰能叩

君門下令減征賦

二田見戍間之民困征役而逃亡緣此起興

次晚洲

當亦在潭衡之間

參錯雲石稠坡陀風濤壯晚洲適知名秀色固異

狀棹經垂猿把身在度鳥上擺浪散帙妨危沙折

花當

枉臆以當對妨乃便當之當

羈離暫愉悅羸老反惆悵中

原未解兵吾得終疎放

二田首四次洲之因中四申濤壯秀色之景結四卽景而悅由悅轉悲憂時之情終無可遣也

早發

有求常百慮斯文亦吾病以茲朋故多窮老驅馳

併早行篙師怠席掛風不正昔人戒垂堂今則奚

奔命濤翻黑蛟躍日出黃霧映煩促瘴豈侵顏倚

睡未醒僕夫問盥櫛暮顏靦青鏡隨意簪葛巾仰

慚林花盛側聞夜來寇幸喜囊中淨艱危作遠客

干請傷直性薇蕨餓首陽粟馬資歷聘賤子欲適

從疑誤此二柄

二田此因匆匆早發而為奔逐謀生之歎前八後八相呼應皆自問自答之詞中八述途中老態之不堪與前後相耀

詠懷二首

人生貴是男

語本列子

丈夫重天機

延注天機謂天時之機會

未達

善一身得志行所為嗟余竟軼軻將老逢艱危胡

雛逼神器

安史

逆節同所歸河洛化為血

東京陷

公侯

草間嗥西京復陷沒翠蓋蒙塵飛萬姓悲赤子兩

宮棄紫微

元宗肅宗

倏忽向二紀奸雄多是非

又統言諸處叛

亂之徒

本朝再樹立

泛指復國收京以來

未及貞觀時日給在

車儲上官督有司高賢迫形勢

指當事

豈暇相扶持

疲茶苟懷策

隱然自謂

棲屑無所施

棲屑無所倚菴之貌

先王實

罪已

夢弼注謂肅宗即位詔書

愁痛正為茲歲月不我與蹉跎

向於斯夜看鄂城氣回首蛟龍池齒髮已自料意

深陳苦詞

二首首章述素志也為後首引端公蓋有志用世考起四句泛以人生立志言重得志行所為

嗟余一段歷叙禍亂始末此不得志之由也本朝一段極言時弊難挽此不能行所為之歎也

末四句見志雖在而身已老反結得志行所為意

邦危壤法則聖遠益愁慕飄飄桂水遊

朱注瀛水與湘水同

出今桂林府漓水一名桂水

悵望蒼梧暮

山海經長沙零陵古者總名其地為蒼梧

潛魚不銜鈎走鹿無反顧皦皦幽曠心拳拳異平

素衣食相拘閼同朋知限流寓風濤上春沙自潭

為上千里侵江樹逆行值吉日仇注謂是清明令節時節空

復度井竈任塵埃舟航煩數具牽纏加老病瑣細

隘咎務萬古一死生胡為足名數多憂汚桃源彼

桃源笑人拙計泥銅柱未辭炎瘴毒擺落跋涉懼虎狼

窺中原焉得所歷任葛洪及許靖仇注葛洪為勾漏令後止羅浮

山蜀志許靖傳孫策渡江走交川以避其難避世常此路賢愚誠等差

賢謂葛洪許思自謂蓋欲效之自愛合馳騫羸瘠且如何魄奪針

次屢擁帶僮僕慵檣宿篙師怒終當掛席席天

難告訴猶云天南為祝融客勉強親杖屨結

託老人星羅浮展衰步羅浮記在增城博羅二縣界茅君內傳羅浮之洞名

朱明曜真之天

二田次章叙近履也起四句兩括上意兩提南

行南行乃一篇之主潛魚一段述汲汲向南自

了生死之概多憂一段言所以不辭勞涉者為

欲急遠虎狼希蹤避世雖身疲力疲終當一行

也結四句足避世之意

望嶽承經注衡山山海經謂之岫嶽山

南嶽配朱鳥漢書索隱南宮赤帝其精為朱鳥秩禮自百王歛吸

領地靈鴻洞分炎方邦家用祀典在德維馨香巡

杜詩注釋

卷二十二 自怡軒

狩何寂寥有虞今則亡

通可首段從南嶽叙起

汨一作吾隘

世網行邁越瀟湘渴日絕壁出漾舟清光旁祝融

五峯尊

長沙記衡山七十二峯最大者五芙蓉紫蓋石廩天柱祝融為最

峯峯次

低昂紫蓋獨不朝爭長業相望恭聞魏夫人

魏夫人傳

夫人名華存字賢安得道領上真司命南嶽夫人

羣仙夾翱翔有時五峯

氣散風如飛霜

適可此段正叙望嶽

牽迫限修途未暇杖崇

岡歸來覬命駕沐浴休玉堂

吳都賦注仙人所居

三歎問府

王指衡州

曷以贊我皇牲璧忍衰俗神其思降祥

通

此段望嶽之懷

世易時君以增修王德最當事以匡贊呈猷乃為昭格神明之本

衡州送李大夫七丈

勉赴廣州

唐書衡州衡陽郡屬江南

西道。李勉自江西觀察使入為京兆尹兼御史大夫大歷三年十月拜廣州刺史充嶺南節度使二田按公至衡州在四年春李豈二年冬被命至是始就在與

斧鉞下青冥樓船過洞庭北風隨爽氣南斗避文

星日月籠中鳥乾坤水上萍王孫丈人行

勉係宗室勉蓋

公中表尊舅 垂老見飄零

二田上四寫李赴廣州聲勢光彩下四乃以飄零之狀告之

湘江晏餞裝二端公赴道州

涪溪觀唐賢題名河南裴虬大

歷四年為著作郎兼侍御史
州刺史御史記中丞為端長

白日照舟師朱旗散廣川羣公餞南伯肅肅秩初
筵鄙人奉末眷佩服自早年義均骨肉地懷抱罄

所宣盛名富事業

謂

無取媿高賢

無取謂一無所取自謂

不

以喪亂嬰保愛金石堅計拙百寮下氣蘇君子前
會合苦不久哀樂本相纏交遊颯向盡宿昔浩茫

然促觴激百慮掩抑淚潺湲熱雲集暝黑

一作初集黑

缺月未生天白團為我破

即指缺月

華燭蟠長煙鴉

催明星

月令注鴉鳥求旦之鳥

解袂從此旋上請減甲兵下

詩安井田永念病渴老附書遠山巔

通可首四句總起鄙人以下叙交情以勉裴計拙以下叙不忍別之情熱雲以下餞時之景末四語規以御史之職并望其附書云

江閣對雨有懷行營裴二端公

南紀風濤壯陰晴屢不分野流行地日江入度山
雲層閣憑雷殷長空面水文雨來銅柱北

道州近粵故曰

銅柱應洗伏波軍

二田上截總在雨前下截逐層還題

江閣卧病走筆寄呈崔盧兩侍御

客子庖厨薄江樓枕席清衰年病祗瘦長夏想為

情滑憶雕胡飯林洪山家清供香聞錦帶羹本草

謂之溜匙兼煖腹誰欲致孟巽

二田此詎卧閣衰薄之况望崔盧一為存注也

哭韋大夫之晉舊史之晉為湖南觀察大歷四年二月由衡遷潭因徙湖南軍於潭州今

蓋卒於潭也

淒愴郇瑕邑一統志在今平陽府猗氏縣羞池弱冠年丈人叨

禮數文律早周旋邇可四句從交情叙起言弱冠之時得交於晉也臺閣

黃圖裏江總賦覽黃圖之棟宇指京師簪裾紫蓋邊紫蓋指南岳之峯岳跨潭

衡之間總在管內尊榮真不忝端雅獨脩然邇可四語叙

貢喜音容間絕交論王陽登而貢公喜馮招疾病纏左思咏史

偉白首不見招南過駭倉卒北思情聯綿鵬鳥長沙諱卒於

潭犀牛蜀郡憐在夔送韋云峽內憶行春蓋韋先官於蜀也素車猶慟

哭寶劍欲高懸用季札事漢道中興盛韋經亞相傳漢

賢父冲融標世業磊落映時賢城府深未夏江湖

渺霽天綺樓高樹頂飛旒泛堂前帘幕旋風燕笳

簫咽暮蟬興殘虛白室憤賦棄虛白之室歸長夜之臺跡斷孝廉

船公在湖南常水宿故以孝廉船自比童孺交遊盡喧卑

俗事牽老來多涕淚情在強詩篇誰繼方隅理盧

道集外靜方隅內康庶績朝難將帥權春秋褒貶例名器重雙

全適可此段蓋言韋死之後誰繼而在方隅者朝廷擇將不亦難乎正見韋之難得也推開以深

之美

之

迴棹蓋欲北上而不果耳

宿昔試安命自私猶畏天勞生繫一物為客費多

年衡岳江湖大蒸池疫癘偏震字記其氣如蒸散材嬰薄

俗有跡負前賢巾拂邨關眼祇疊易滿船火雲滋

垢賦凍雨衰沉縣爾雅郭注江東呼夏月暴雨為凍雨強飯蓴添滑

端居茗續煎清思漢水上涼憶岷山巔返擊順地

翻堪倚湘水北流迴帆又省牽夏多南風吾家碑不財杜

平吳後刻二碑紀績一立萬山之上王氏井依然

一沉潭中日安知此後不為陵谷乎

仇注杜預碑王粲井皆襄陽舊蹟几杖將衰齒茅茨寄短椽灌園

曾取適於陵子仲事遊寺可終焉梁劉慧嘗遊匡山遂有終焉之意因居東

林遂性同漁父功名異魯連篙師煩爾送朱夏

寒泉

適可首四句領起衡岳以下叙衡州情況所以迴棹之故清思漢水以下叙襄陽之勝正寫迴

也棹

也

潭州送韋員外迢牧韶州韶州唐屬嶺南道今隸廣東。秋復

在潭

炎海韶州牧。風流漢署郎。分符先令望。同舍有輝光。白首多年疾。秋天昨夜涼。洞庭無過雁。書疏莫相忘。

〔二田〕韋先有留別詩公以此送之上四送行五六穩括以答韋詩之意末又囑之。附韋詩

潭州留別杜員外院長 韋迢

江畔長沙驛相逢纜客船大名詩獨步小郡海西偏地濕愁飛鵬天炎畏跼鳶去留俱失意把

鬢共潏然

酬韋韶州見寄

養拙江湖外。朝廷記憶疎。深慚長者轍。重得故人書。白髮絲難理。新詩錦不如。雖無南過雁。看取北來魚。

〔二田〕韋復寄詩與公前詩後四句針對此詩又與來詩後四句針對。附韋詩

早發湘潭寄杜員外院長 韋迢

北風昨夜雨江上早來涼楚岫千峯翠湘潭一葉黃故人湖外客白首尙爲郎相憶無南雁何

時有報章

樓上

天地空搔首頻抽白玉簪皇輿三極北皇輿指身京都

事五湖南戀闕勞肝肺論材愧杞桮亂離難自救

終是老湘潭

二出起聯虛領次聯實拈正指實搔首抽簪之故又已分引下截蓋五六即申極北七八即申

南湖

千秋節有感二首

舊書開元十七年八月癸亥上以降誕日晏百僚於

花萼樓下百僚請每年八月十五日為千秋節天下合安樂三川

自罷千秋節頻傷八月來先朝常晏會壯觀已塵

埃鳳紀編生日龍池塹劫灰湘川新涕淚奉樹遠

樓臺寶鏡羣臣得張說詩寶鏡頌神節金吾萬國迴與金吾不禁夜

同衢尊不重飲淮南子聖人之道其猶中衢而致樽耶過者斟酌多少不同而各得

其宜白首獨餘哀

二出首章統就罷節發慨言聯點題次聯三聯皆一句昔時句今日皆中頻傷之故涕新樓

遠拍合羈臣後四又兩句昔時兩句今日仍收到傷意

御氣雲樓做含風綵仗高雲樓含風不仙人張內作樓殿名解

樂王母獻宮桃羅襪紅蕖艷金羈白雪毛舞階銜

壽酒

通鑑教舞馬百匹銜杯上壽

走索背秋毫

唐實錄千秋節內出舞人繩伎

聖王他年貴邊心此日勞桂江流向北滿眼送波

濤

二田次章詳述慶節奢麗之事以寄目前時事身事之悲一結悲不自勝並不道破驕盈召亂而致亂之由悠然言外

奉贈盧五丈參謀琚

原注時丈人使自江陵在長沙待恩旨先支率

錢米。朱注時必有長沙錢米應輸江陵者盧為之請旨支給本郡

恭惟同自出

兩母皆崔氏

妙選異奇標入幕知孫楚

楚為

石苞

披襟得鄭僑

左傳季札聘鄭見子產如舊相識

丈人藉才地

門闕冠雲霄老矣逢迎拙相於契託饒

總起親誼

交情官序才地

賜錢傾府待爭米貯船遙隣好艱難薄毗

心杼袖焦客星空伴使寒水不成潮

盧支率事

素髮乾垂領銀章破在腰說詩能累夜醉酒或連

朝藻翰惟牽率

牽率者即事感觸之謂

湖山合動搖時清非

造次興盡卻蕭條

公自叙

天子多恩澤蒼生轉

寂寥休傳鹿是馬莫信鵬如鴉

鵬鳥賦序鵬似鴉不祥鳥也朱云時

盧待旨恐其奉行不至故以此戒之

未解依依袂還斟泛泛瓢流年

疲蟋蟀體物幸鷓鴣辜負滄洲願誰云晚見招

可

此段又申不忍別之情而終以自叙

惜別行送劉僕射判官

僕射即指山南東道節度使梁崇義

聞道南行市駿馬不限匹數軍中須襄陽幕府天

下異唐書襄州襄陽郡山南東道節度使所治王將儉省憂艱虞史稱崇義

以地編兵少折節下士祇收壯健勝鍔甲豈因格鬪求龍駒

適可首段叙而今西北盡盡一反胡謂安史餘孽

騏驎蕩盡一匹無龍媒真種在帝都子孫未落東

南隅向非戎事備征伐君肯辛苦越江湖江湖凡

馬多願頰衣冠往往乘蹇驢適可此段叙時事梁

公富貴於身疎號令明白人安居史稱崇義法令最治俸錢

時散士子盡府庫不為驕豪虛以茲報至寸心赤

氣卻西戎回北狄羅網羣馬藉一作馬多意在驅

除出金帛適可此段美襄陽至將劉侯奉使光推

擇滔滔才畧滄溟窄杜陵老翁秋繫船扶病相識

長沙驛強梳白髮提胡盧手把菊花路旁摘九州

兵草浩茫茫三歎聚散臨重陽當杯對客忍流涕

不覺老夫神內傷適可此

仇云崇義據襄州要授山南東道節度使是臣節已失括馬豈無異志贈劉詩只作世故語子

美不爲而又不可顯言故篇中著句都非實筆純作懸擬反撲口氣一氣轉拓諷意顯然

重送劉十弟判官

分源豈韋派別浦雁賓秋年事推兄忝人才覺弟
優經過辯豐劍意氣逐吳鉤垂翅徒衰老先鞭不
滯留本支凌歲晚高義豁窮愁他日臨江待長沙
舊驛樓

二田前四句起中四承才
優年忝後四承分派別秋

杜詩註釋卷二十二

